

四庫未收書輯刊編纂委員會編

四庫未收書輯刊

北京出版社

柒輯・捌冊

四庫未收書輯刊

四庫未收書輯刊編纂委員會編

北京出版社

柴輯・捌冊目錄

續行水金鑑一百五十六卷圖一卷・之三

〔清〕黎世序 潘錫恩撰

一

〔清〕黎世序 潘錫恩撰

續行水金鑑一百五十
六卷圖一卷・之三

清道光十二年刻本

續行水金鑑卷第一百九

運河水 章順三十七

嘉慶十年四月十七日鐵保徐端奏為

流石閘建自乾隆五十二年原備擊束運河水勢以濟運行嗣緣豐工曹工漫溢黃水匯注運河致開口淤塞年來漕船由越河行走竟成廢棄且地勢低窪經伏秋盛漲水漫閘背衝激損壞是以不能啟閉去冬臣至江境與前河臣吳璥會商是閘地處適中擊蓄得力應加高數層照舊修整以利漕運當即委員勘估並與前督臣陳大文漕臣古綸議辦旋值卸事未及具奏臣到任復飭徐州府鼇圖勘估茲據詳是

續行水金鑑卷一百九

運河水

閘拆修加高砌築估料物匠工銀三千一百七十七兩挑淤並堵越河築壩共估銀二千七百九十九兩覆核無多即發銀令廳員購料築壩趕緊拆卸修砌並加高三層限大汛前完竣俾資啟閉以利運行仍俟工完驗收令灰漿飽滿堅實鞏固以垂久遠

續編

五月十二日李亨特奏汝上汛西岸舊有臨運彭石邢通等斗門七道原為宣洩盛漲歸南旺湖以資儲蓄而保隄岸前因各引渠積淤經費浮鐵保於嘉慶八年十二月一併估挑嗣因衡工合龍斗門引渠工程遂亦停止惟各引渠攸關收水備運並保汝上鉅

嘉兩汛緯道隄工今淤墊日甚經伏秋盛漲不能洩水既礙湖儲雨隄亦必著重據王念孫詳請估挑臣親詣各斗門履查斗門七道引渠雖俱受淤應須一併疏治但七道中彭石邢通兩斗門引渠受淤尤厚且逼近分水口首先納漲若將此兩道先行挑浚深通自可備大汛宣洩之用其餘引渠五道現在麥忙又大汛臨臨難於猝辦俟將來察看情形如須估挑再行奏辦臣親率道廳勘估計彭石邢通兩斗門引渠估銀一千四百三十八兩二錢七釐請動支運河道庫節省八束銀兩趕辦於汛前挑竣

運河

續行水金鑑卷一百九

運河水

一律穩固現在江廣幫船行次揚州邵伯因河窄溜急牽挽維艱而清江河口各閘壩溜勢湍激打放猶須慎重已委常鎮道趙宜喜護淮揚道張鼎中軍副將汪德署淮揚河營遊擊田宏謨等分投上下照料督催攢挽前進至河口清黃交匯處清水力旺此次黃河長水尺餘尚無阻滯臣徐端督飭外河廳營照舊在南岸高家馬頭北岸浦家莊各築柴壩挑溜刷泓俾幫船隨到隨渡無需起剝截至五月十二日湖北二幫渡黃連前共渡過船七十四幫邵宿連中河內經東省將韓莊湖口閘照例亮板放水接濟足敷浮送據報截至五月初九日台州後幫出境止已催

出江境船六十八幫當此江廣重船緊要之際臣徐端會同漕臣吉綸設法籌催務期迅速償渡六月初三日奉

硃批覽奏幸慰因時啟閉一切慎重辦理勉之南河成案續編

閏六月二十八日鐵保徐端奏清口之病由於河身淤高亦緣開壩久傷啟閉不靈致清水入運者多敵黃無力糧船淺阻又因洪湖仁義等五壩壩底多壞經風浪衝掀洩水太猛下游州縣被淹此等受病處必須於秋汛後趕緊修理以求一勞永逸之計臣等悉心籌酌謹詳晰開列各條爲我

皇上陳之

今按所列六條中准黃等三條不錄

一運口惠濟等閘並清

續行水金鑑卷二百九

運河水

三

江正越閘應趕緊修建也運口至清江地勢建瓴水行湍急是以設閘層層鉗束按塘啟閉使湖水多出清口少入運河最爲關要各閘年久損壞啟閉不靈上年冬前督臣陳大文河臣吳璣會奏請分年次第拆修緣彼時漕船回空甫竣卽值重運北上是以今春未及估辦茲臣等復查清江正越兩閘建自前明開牆雁翅年久酥損塌卸亟應修建擬先將惠濟越閘通濟正閘清江正越兩閘趕先拆造委員勘估該四閘約共需銀十七萬三千七百餘兩但採石維艱懇

聖恩俯准照高堰石工例加給津貼所需工料銀兩容

咨行兩淮運庫就近撥發派員分領購料承修定限本年回空過竣築壩興工限明春二月全竣俟灰漿乾老再行啟放其未啟放以前漕運商民各船惠濟通濟兩閘另有正越閘通行惟清江閘應照舊啟放五孔橋由玉帶河行走不致阻礙惠濟正閘通濟越閘及福興正越閘俟明年霜降後再辦一經修建完整按塘啟閉操縱由人入運水少則敵黃水多河口定復舊規實爲全局所係以上各閘工程現委候補道單灃綜理備辦派參遊同知等分司工段以期妥速一下河各州縣窪地積水應勘籌宜洩並培築隄工以衛農田也查義壩閉後再將高郵各壩全堵

續行水金鑑卷二百九

運河水

四

則下河興化鹽城東臺通泰各州縣漫水自消惟各州縣形如金底舊有范公隄攔禦海水年久未修亦多殘塌而通海通江各支河汊港如有湮塞則積水無由宣洩現委查災賑之候補知府伊秉綬朱錫爵等隨地查勘存記臣等於霜降後督率道府履勘某處河港應行疏挑某處隄堰應行培築確估奏辦州縣地方及場竈農田交錯之區水利河渠例用民力第恐錢糧繁多或由商捐或按畝攤徵統俟勘估籌議具奏一中河廳境緣隄應趕爲補築也中河廳桃清兩汛與黃河僅隔一隄大隄外臨河另有緣隄一道以通緯挽上年清黃水漲加以東省山水驟發

由邳宿運河下注是以中河廳境隄衝刷淹漫今春各工並舉不能兼顧查該廳河道為漕運要津若無隄楊欄束不但幫船逆流而上行走維艱且水勢散漫楊莊運口不能收衝刷之力亦應補築現委同知周鎬署廳郎廣隨同淮揚道價辦所需錢糧於河庫墊發工完另撥還款以上各條或節宣水勢以籌淮黃全局或籌疏積潦以利下河民田衛民生而速漕運皆南河至急之務此外如雲梯關外補築大隄雖亦緊要尚可明年辦理再以上各工一時並舉段落既多錢糧亦重必得在工各員人人用力不敢絲毫草率方於要工有益臣鐵保隨時酌量如尙須大

續行水金鑑卷百九

運河水五

員經理當加派司道督辦七月十八日奉

硃批大學士六部尚書并吳璥妥議具奏

南河成案續編

七月十四日大學士保寧等奏軍機處交出兩江總

督鐵保等奏臣等謹按籌議各條詳晰妥議恭呈

御覽一運口至清江各閘年久損壞啟閉不靈亟應

修建臣等查運口為漕艘經行要道地勢建瓴向設

閘座層層鉗束以緩水勢上年十一月臣姜晟在江

南會同前督臣陳大文等奏明各閘年久欹側難資

擊托次第拆修臣慶桂等會同戶工二部議覆准行

今請將惠濟越閘通濟正閘清江正越二閘起先拆

造應如所奏限本年回空過竣即熟墾興工限明春

二月全竣以資啟閉至所稱採石維艱懇照高堰石工例加給津貼查高堰大隄加高石工上年姜晟陳大文等奏明石隄工段綿長需料繁多近年甄石灰漿較定例貴至加倍請照東省緯道石工例酌加幫貼據淮南商情愿捐銀四十萬兩以資津貼經臣慶桂等會同戶工二部議以東省幫貼係特行奏准並非常例今稱此項石隄工鉅費繁並據商人情愿捐銀應如所奏辦理但究係例外加增且南河向無津貼之名嗣後不得援以為例奏准在案今拆修前項閘工據奏援照高堰石工例加給津貼自係實在情形但未將閘工實需津貼銀兩若干及作何籌款分晰

續行水金鑑卷百九

運河水六

聲明應令該督確查具奏辦理其惠濟正閘通濟越

閘福興正越二閘應俟明年霜降後估辦一下河

范公隄殘塌各支河汊港湮塞或應疏挑或應培築

確切估計奏辦臣等查下河各州縣地勢低窪漫水

易積自宜亟籌宣洩以保農田其舊有禦水隄工亦

應培築以資捍衛今范公隄年久殘塌通海通江各

支河汊港如有湮塞則積水無由宣洩應如所奏逐

細履勘分別某處河港應挑某處隄堰應築確估辦

理至所需錢糧繁多該工係場窰農田均資利益或

由商捐或按畝攤徵並即一併妥籌具奏以憑核辦

一中河廳隄衝刷淹漫亦應趕為補築臣等查

中河廳運河爲漕運要道必使緯道修整以便挽運且水有攔束亦不致漫淤今據奏因上年清黃盛漲東省山水驟發將緯隄淹刷幫船逆行艱難且水勢散漫不能衝刷應如所奏趕緊補築以利運行以上湖河各工並時興舉若非分別緩急次第恐顧此失彼轉悞要工所奏六條內除堵閉義壩攸關蓄清敵黃以濟回空乃目前最要必須首先償辦其餘五條即如全修五壩石底一節應令該督等再行籌議覆奏核辦此外各工應如何酌分先後分投興工亦即籌議趕辦務於本年回空及來年運務修防均無貽悞仍將工段丈尺銀數確估另單奏明辦理本日奉

續行水金鑑卷二頁

運河水七

旨依議是日奉

上諭前據鐵保等奏清口淤淺之故由於閘壩啟閉不靈議於秋汛後趕緊修理因將所議六條批交大學士六部尚書並吳璥妥議具奏本日保寧等議覆之摺已依議行矣昨日召見吳璥詢以辦理情形據稱目前預備糧艘回空修築義字壩最關緊要該壩早堵一日則湖水多蓄一分刷黃即多一分之益等語近年河口時有淤阻漕運經過動形窒礙現因該處停淤江廣尾幫渡黃未能迅速而回空各船又已接續南下僅屆時河口一帶水勢仍不深通辦理必多掣肘設有悞冬兌關係匪輕著先將義字壩剋期堵築愈速愈妙仍將清水

現存丈尺若干隨時具奏至其餘四壩及現在議修各閘若同時興工不惟料物未必一時湊手且拆修壩閘之時亦恐清水宣洩無由堵蓄該督等惟應酌量緩急分年次第舉行經理周備以爲一勞永逸之計南河成案續編十月初七日鐵保徐端奏自運口頭草壩至清江浦地勢建瓴湖水分流入運甚爲湍激是以數里內設立惠濟通濟福興等三閘因閘門湍激難行於正閘外各建越閘以分其勢迤下清江浦又建正越兩閘以資擎托共計八座年久未修啟閉不靈若同時興修錢糧浩大臣等前議請將惠濟越閘通濟正閘清江正越閘先行修砌其餘四閘俟明年霜降後估辦

續行水金鑑卷三頁

運河水八

大學士保寧等業已議准統俟回空漕船過竣即照壩興工緣近年物料昂貴購石燒輓例價不敷必須加倍津貼經大學士保寧等議覆此項閘工實需津貼銀兩若干及作何籌款令分晰具奏臣等督同淮揚道閻學淳等細估拆建惠濟越閘通濟正閘清江正越閘共估例價銀十七萬三千七百餘兩樽節覆核若一律加貼未免銀數過多應將攔築壩工車水人夫及匠役開槽夫工等項剔除不准給予津貼外實計購辦石料河甄椿木石灰汁米應需津貼銀十萬四千二百餘兩查上年十一月臣徐端會同欽差尚書臣姜晟等議奏加高高堰石隄酌加幫貼據

淮南捐銀四十萬兩解存河庫除開段加砌石工及加高土隄動用外原存爲普加一層石工之用今石工已奏改輒工計有節省正價幫價銀十三萬四千二百三十三兩仰懇

聖恩卽以此節省之項爲開工津貼之用俾工員購辦從容工程得資鞏固委員分投購料剋期興辦限明春完竣惟各閘修砌完後必須灰漿乾老方可放水行船明春重運北上只可從雲壩口出五孔橋由通濟越閘惠濟正閘行走各閘向有兩閘分流今所修者皆築壩攔截則水勢全歸一閘溜如懸瀑漕船更難打放應在惠濟正越兩閘中北裏頭地方及通濟

續行金鑑卷二見

運河水

九

正越上東岸之張王廟舊有涵洞處另開越河各一道俾閘門溜平仍層層築壩收束不使水勢過於分洩隨時相機籌辦務於重運行走無悞再中河廳境緯隄及外河廳境方家馬頭至三老壩一帶隄工灘水未消難以確估現在設法疏通應俟灘水消落另行估計奏辦

南河成案續編

是月十九日鐵保徐端奏洪澤湖自十月上旬以來又長水二寸高堰誌椿現存水一丈此後冬雪優霑可望加長惟黃水雖漸歸槽仍未大落尙高清水尺餘臣等商酌此時清水未便遽放外注而清江至揚州運河專藉黃水通行應俟尾幫空船全過邵伯再

將禦黃壩堵閉掣乾河底擇停淤厚處估挑另容隨時奏辦現於清江淮安一帶河道兜灣及河身寬濶溜勢平行處俱相機築做束水壩工節節束溜刷沙俾軍船不致淺澀各幫迅速南下並預將裏河運口頭壩外去冬所築之蓋壩再爲接長其挑清壩及頭二三壩並雁翅護埝一律加鑲幫寬追壓以備清水外注時收束得力務使盡向東趨勢專力旺以資衝制計明春重運經臨啟壩放水足資浮送至應修之惠濟通濟清江正越各閘亦卽煞壩興工其邳宿運河各古淺段落本年上游山水漲發停淤較厚亦須煞壩大挑已飭徐州道釐圖確估臣徐端亦卽親往

續行金鑑卷二百九

運河水

十

覆勘派員挑辦務令一律深通以利新運

南河成案續編

是月二十四日奉

上諭據鐵保等奏回空漕船渡黃全竣一摺覽奏欣慰本年回空漕船體渡適行尙爲順利惟藉黃浮送不過一時權宜實非經久善策此時空船渡竣固可如期歸次轉瞬重運經臨最關緊要必須將清口設法疏通務使清高於黃宣放外注藉以刷沙敵黃濟運爲第一要著現在黃高於清總由河底淤墊未能挑挖深通鐵保等惟應一面趕緊挑淤一面設法擡蓄清水能將清水擡高暢注則河身淤淺處所水力足以衝刷較之人力挑挖更爲便捷前據徐端奏請來京陛見朕因該河督

現有應辦要工令其暫緩今閘摺內所奏挑淤煞壩等事皆須親勘督辦尤不應分身來京徐端竟無庸前來瞻觀惟當趁此回船已過重運未來之時遵照節次諭旨實力疏治清口以期明年重運北上時進行無阻方為不負委任

南河成案續編

是月二十五日鐵保徐端奏臣前奉

上諭本日據鐵保徐端會奏南河應修閘壩各工並籌津貼銀兩及懇請續收投効人員二摺均批交原議大臣議奏矣本年回空幫船渡黃雖尚迅速然全係借黃濟運祇屬一時權宜之策所辦殊不足恃轉瞬重運北來設彼時稍有阻滯必致有悞轉輸所關至重特此諄

續行水金鑑卷三十九

運河水

十一

切申諭該督等將清口一帶運道悉心勘辦務將來歲新漕可以銜尾浮送漕運一事著責成鐵保徐端專心經理設辦理不善致有遲悞則惟伊二人是問徐端昨已有旨准令來京陛見但河督專司河務責任綦重著於接奉此旨後自行酌量如現辦事宜鐵保不能分身督率則徐端往返程途計匝月有餘豈不徒耗時日即當據實奏明暫緩來京以便及時儻辦並著鐵保徐端將籌勘清口一帶運道如何設法蓄清刷淤確有把握能使重運必無稽阻之處先行詳晰據實具奏以慰廑念欽此查河口清黃交匯處所為漕運要津儻有塞礙不但河務通工受病各省漕糧悉皆阻悞所關甚鉅

臣等責所專司深虞隕越並蒙

聖慈中諭如此明切敢不殫竭心思務臻妥善本年回空雖於十月十八日全渡借黃濟運究屬權宜臣等博稽採訪會以蓄清敵黃為上策上年冬臣等奏徐端等會奏修築閘壩及臣鐵保分別緩急奏修各工皆為蓄清敵黃起見仰蒙

聖慈准照辦理漸復舊規但祇能奏效於一二年後未能旦夕見功前於八月奏將束清壩口門堵合使清水涓滴不致外洩現在洪湖水長四寸已收存水一丈二寸潮查嘉慶八年以前冬底洪湖存水不過七八尺以現水比較尚屬有盈無絀惟黃河之底較前

續行水金鑑卷三十九

運河水

三

淤高丈許是以此時黃河水面向高清水八寸自大雪後黃水連日見消若再旬日更可落低但未便將束清壩啟放應再儘力收蓄總期多蓄一分之水即重運多得一分之益俟高黃水二尺以外然後可收刷滌之效臣等商確現在回空已竣即將禦黃壩堵合不使黃水內灌其禦黃壩內西岸已另挑引河一道以備清水外注並將臨湖各道引河挑浚計明春重運到時啟放清水力專勢猛必能衝刷淤沙河口定能通暢重運漕船足資浮送又每年挑汛黃河長水無多無虞倒灌凡盛漲皆在伏汛若重運漕船趕伏汛前全數渡黃即不致阻滯現與漕臣吉綸商酌

明春重運各幫務俱催償趕未交伏汛前全數渡黃以免稽阻至臣徐端自受任南河事事仰承

諭旨指示幸識遵循惟南河工務繁重尚須面聆

睿訓庶得更有把握查十一月至十二月天寒水凍只能購運料物臣鐵保尚可就近督催臣徐端現將堵

壩挑河各事宜辦有成局再束裝馳叩

關廷南河成案續編

十一月初六日保寧等奏南河應修閘壩各工經該督等奏明通籌全局臣等按條議准今據奏此時拆修運口等閘最為緊等請將惠濟越閘通濟正閘清江正越閘先行修砌勘估等語查惠濟越閘通濟正

續行水金鑑卷三
運河水三

閘清江正越閘四座既據查明先辦其餘四閘應如所奏俟明年霜降後估辦所用工料估津貼銀十萬四千二百餘兩請於商捐節省銀內動用查淮商前捐銀四十萬兩原備石工津貼之用嗣因改砌輒工節省銀十三萬四千二百餘兩今拆建閘工所需津貼與石工事同一律應如所請將節省之項為閘工津貼之用至各閘向有兩閘分流今所修之閘皆築壩攔截水勢全歸一閘明春重運北上應在惠濟正越兩閘中北裏頭地方及通濟正閘上東岸張王廟舊涵洞處另開越河俾閘門之水稍平仍層層築壩收束不使過於分洩應如所奏辦理本日奉

旨依議南河成案續編

是月初八日奉

上諭本日據戴均元奏到履勘運口水勢情形一摺並繪圖貼說呈覽朕詳加披閱圖繪形勢甚屬明晰而自禦黃壩運南至迤東滿幅皆係黃水可見倒灌益甚據戴均元奏自八月堵築義字壩後迄今三月而清水較高黃水未及一尺距明春啟放僅有兩月盡力收蓄諒不能及二尺初放或可暢注日久勢弱兩水頂阻或遇汛漲仍恐黃水倒灌所慮甚是但據稱與鐵保徐端商酌如遇兩水相抵不能不暫開峯山等閘減黃助清來年重運不致淺阻此則非是蓄清敵黃原係治河良法

續行水金鑑卷三百九
運河水四

乃自上年回空阻滯經姜晟吳璥等籌啟祥符五瑞等開掣減黃水權宜濟運本年回空則全係借黃濟運似此年復一年黃水到處在在停淤日久竟成平陸全河受病關係非輕今再開峯山等閘仍係上年掣減黃水辦法必致淤及下游殊非正辦現據戴均元奏俟催令銅鉛船幫渡竣亟宜堵合禦壩將引河一併開挖其臨河引河二道趕緊挑浚並將清江以下運河兩腮淤灘開挖此等工程均著照所請辦理仍著鐵保徐端會同戴均元商酌熟籌良法使來年重運通行無阻而黃水不致仍前倒灌停淤為一勞永逸之計方為妥善

續編
南河成案

是月初十日戴均元鐵保徐端奏臣鐵保在河口督
贊趕者禦黃新壩緣江境冬至前後天氣嚴寒河口
冰凌甚大外河廳順黃壩上下河灣處所冰凌擁積
初六七兩日積凌融化陡長水四尺二寸臨黃各壩
工幸防守穩固惟裏河廳清江汛因修建清江正越
二閘將五孔橋攔壩挑切以備啟放行船初八日天
氣驟暖凌水湧漲登時漫過攔壩由玉帶河下注該
河城隍廟地方舊有涵洞隄根滲水坐蟄浸及清江
浦南岸官署民房臣等即馳回查看清江浦北岸閘
閘湊集並無妨礙惟南岸低地被淹水深一二尺至
五六尺不等幸居民距隄不遠搬移高阜並未傷人

續行水金鑑卷二見

運河水五

水勢尚緩房屋未塌惟在浦各官署間有被淹並清
河縣倉穀不及移貯俟查明數目賠補臣等商酌分
投搶辦臣徐端督率道將廳營先將禦黃壩收束窄
小以截來源臣戴均元幫同臣鐵保督催廳營將玉
帶河過水處漏夜趕辦幸口門僅止八丈即日堵築
斷流惟清江浦形勢低窪積水驟難消洩查乾隆五
十一年碧霞宮漫水經前河臣李奉翰奏明在浦各
官捐廉車戽此次應照辦理現即雇車晝夜戽水計
數日內即可涸復其被水民人先經臣鐵保親督府
縣購備饘餅席竹散給並無失所並經漕臣吉綸准
關監督臣李如枚親赴清江撥船裝載饘餅幫同接

濟民情安謐查清江南岸地界兩隄之中周圍不過
數里既無農田亦與運道無礙此次凌水驟然漫注
雖非意料所及但道將廳營汛弁均難辭咎除查明
題參先將專管廳營摘印撤回聽候部議外其堵築
隄工所用錢糧仍全數著賠不准開銷臣徐端職任
河防重寄於凌汛之期未能先事防範咎無可追惟
有仰懇

天恩交部嚴加議處臣鐵保兼管河務咎亦難辭並請
旨交部議處臣戴均元現將勘籌應辦各工分別酌議
另行具奏再禦黃壩現經收窄運河水勢消落西岸
淤灘膠土全行乾出儘可興挑若將是壩堵合閉氣

續行水金鑑卷二百九

運河水六

於挑工更有裨益但現在冰凌湧至陡長水四尺有
餘隨鑲隨墊臣徐端率同道將極力鑲護一面委員
趕挑淤灘以利運行

南河成案續編

是月十四日戴均元奏臣會同河臣徐端帶同江蘭
司員陳雲查勘堰圩五壩及三閘各工現在工程有
亟須拆建修補者有尙可暫緩施工者有應行改添
者分別先後辦理謹逐款開列繪圖貼說恭呈

訓示今按四條中高堰

一惠濟等閘應修砌也查原

奏運口頭草壩至清江浦數里內有石閘八座年久
未修啟閉不靈請將惠濟越閘通濟正閘清江正越
等閘先行修砌查惠濟等閘石槽剝落參差不齊下

板不能入槽閘底噴沙淤積又不能到底及將淤沙挑看石塊數城不能平實其各閘雁翅尚有完整惟鑲補接砌新舊灰石恐難粘合堅固自應普律修砌現在惠濟越閘拆卸興工其餘應修各閘惟照原估一併興修其應開越河亦宜挑挖期於重運漕船行走無誤將來報竣時督臣河臣親往收驗南河成案續編是日戴均元奏清江浦地方形如釜底四面環水自堵合玉帶河缺口後水勢已定而消洩頗難現於鄰近州縣雇水車三四百輛趕緊車戽務於本月退出地面以復民居此次被水雖止南岸一隅長不過五里寬二里而所淹廬舍幾及二千家經督臣鐵保撫

續行水金鑑卷二百九 運河水七

綏每日給予饅餅並搭蓋蔭棚棲止酌放銀米不致失所查運河因黃水灌入既易停淤且清江兩岸舊隄卑薄僅存子堰二三尺將來清水敢放設遇清黃並注不能容納於運道民生大有關礙臣等籌度宜先堵築禦黃壩使上游斷流淤灘全露一面趕辦挑工連日黃水冰凌擁擠水長四尺有餘極力搶築隨鑲隨墊俟汛水稍減即當相機堵築現已多派員弁將運河淤灘刻日興挑以河旁兩腮之上培築兩岸之隄根歲內挑築完竣俾河身深濬清水暢行來春重運不致稽阻南河成案續編是月十六日戴均元鐵保徐端奏清江南岸官民會

集人煙稠密且當挑河之際猝然被水臣等詳加履勘緣地介運河玉帶河之中凌水驟漲衝突玉帶河西首攔壩繞至迤東過水漫溢係在玉帶河之北運河之南與運道實無妨礙連日黃河水落清水高出一尺四寸時已仲冬遲則候工即於十四日分段派員將運河兩腮積淤開工趕挑出土培隄計年內一律完竣不悞新運其禦黃壩口門日前凌汛陡長壩根衝動難以堵合臣徐端現在集料來往河口相機攢辦惟有嚴督汛員緊守束清壩以期擡蓄日久衝刷得力至玉帶河漫口臣等督率員弁趕緊搶築業經閉氣斷流惟清江南岸外高內低形如釜底別無

續行水金鑑卷二百九 運河水六

去路必須趕消積水現照碧霞宮漫水成案雇備水車六百輛每輛用夫八名晝夜輪戽不歇雖藉人力引注隄外未涸而水勢日減外徙之戶漸可歸廬復因該處災民現當嚴寒凍餒堪虞親率各官每戶散給銀五錢米五升席三領先令搭棚棲止以資口食此後恐有應行接濟之處已買米三千四百石隨時核辦仍飭縣確查被災輕重同倒房數目再會同撫臣分別辦理其所用撫卹銀米席片夫車等項臣等捐給毋庸開銷南河成案續編是月十七日奉

上諭戴均元等奏凌水驟漲清江浦土隄過水情形清

江浦地方因凌水驟注隄根滲蟄致南岸民房官署被淹實屬猝不及防非意料所及但隄根如果堅實不致滲水又何至坐蟄是該管廳營文武等咎實難辭著查明參辦並將隄工著落賠修示儆其被淹濕損倉穀著查明數目施恩賠補一半徐端等疎於防範本應重處姑念事出意外一時督率未周徐端著從寬交部議處鐵保著從寬交部察議至摺內雖稱人口未傷房屋未塌但該處被淹未涸小民究恐失所著該督即行查明如有應需撫卹之處據實奏聞先行動項辦理不可諱飾其未涸之水務即上緊車戽俾得各就寧居至河道工程總須先事預防此時正當冬令水落歸槽原非防

續行水金鑑卷二百九

運河水五

汛之候乃因天氣稍暖凌水下注遂致漫壩蟄隄可見備禦之法不可刻疎全在隨時加意慎重現在薄凌融化尚屬有限一交明年桃汛甘省上游冰雪融消黃水擁積而下直達江境其勢更甚不但隄工著重彼時正當啟放清水是否力能敵黃足資衝刷轉瞬重運經臨關係緊要究竟湖內清水蓄至幾何高於黃水若干約於何時開放其運河兩腮淤土據奏禦黃壩未經堵合與挑又稍緩數日是否不致貽誤均切廑念前已降旨令該督等會同戴均元趕緊辦理總期不悞新漕該督等此時能否確有把握著即據實速奏此次凌水驟注漫壩蟄隄徐端等均有應得之咎朕已格外從寬若伊

等於運河清口一帶不能籌辦妥協致悞明年重運則罪無可追朕不能再加寬貸也戴均元此時且暫緩回京將應行會商處悉心妥籌俟該督等辦有頭緒約計明年重運可以無悞再行來京復命

南河成案稽編

是月十九日奉

上諭本日戴均元奏查勘應修開壩各工並挑挖運河淤墊情形覽奏俱悉其查勘各工既經戴均元等查勘確實俱係必當辦理之工自應俱照所奏辦理惟當核實驗收不可草率從事任令承辦之員稍有偷減俾資鞏固至南河受病之由已非一日海口疏洩不暢河身淤墊日高甚至清口阻滯以黃濟運倒灌之病不可勝

續行水金鑑卷二百九

運河水三

言朕宵旰廑念無時或釋節經降旨甚為殷切徐端等專任河防鐵保係本地方官又兼河務伊二人固責無旁貸即戴均元亦係特旨派往之員委任綦重伊等仰體朕意總當通籌全局設法辦理期於長久完善不可僅為目前補苴之計或自料識解不及亦當廣咨博採如廳營員弁河營老兵以及本地居民人等皆當詳細考證以期集思廣益如果得有良法辦理可期經久即多費數百萬帑金亦毫無靳惜譬如醫家治病看其病症即深不得不投以重劑庶起沉痾若畏難觀望僅飲以果餌之藥焉能望有起色卒之受病日深用藥滋費安能濟事今河身受病不淺司其事者總無久遠之計

不過爲一時補救而連年所費積算仍屬不少究於河工全局有何裨益且每年重運過後即預計回空不能南下及回空償渡又慮重運不能北來終歲皇皇迄無長策卽如清江浦被淹一事現在正屆冬令試思薄冰融化能有幾何而漫水遂至過壩蟄隄如就釜底皆緣河身淤墊過高致長水四尺有餘卽形衝灌將來再交春令上游冰雪全融黃水擁積而下浩瀚之勢又將如何防禦戴均元鐵保徐端務當悉心籌度廣求良法據實奏聞請旨辦理以副委任至目下新漕卽日南來更當上緊籌辦不可貽誤所云禦黃壩趕緊堵閉務卽迅速趕辦以便將運河兩腮淤土剋日興挑立限辦竣設

續行金鑑卷二百九

運河水

三

有稽誤卽當嚴參其蓄存清水將來啟放之後是否力能敵黃確有把握設或彼時不能暢注漕運梗阻又將如何辦理並著據實由驛速奏以慰廑注其清江浦未消積水並著迅速車戽以復居民俾安棲止

南河成案續編

是月二十一日奉

上諭本日戴均元等奏撫卹清江浦被水事並河務工程覽奏俱悉清江浦凌水漫溢係在玉帶河之北運河之南尙與運道無礙實屬幸慰至該處附近田畝雖俱無恙而民廬多有被淹現當嚴寒四散流離情形可憫務須趕緊車戽早爲涸復俾就寧居所有雇備水車及散給銀米席片等項應照伊等所奏公捐動給至涸復

之後尙應給予修理房屋之費著加恩動帑發給查照定例辦理作正開銷務當實力撫綏仰副廑注再戴均元本日奏稱運河兩腮積淤於十四日分段趕挑其禦黃壩口因凌汛衝動壩工難以堵合現在相機償辦等語禦黃壩既未堵合則運河內仍有黃水灌注卽將兩腮積淤趕挑而中泓仍恐淤墊屈指新漕卽至萬一稍有遲悞所關匪細著迅卽購料將禦黃壩趕緊堵閉庶挑工不致虛費重運可期無阻戴均元務卽會同鐵保徐端將此時預辦事宜遵照節次諭旨悉心妥辦

南河成案續編

是月二十二日奉

續行金鑑卷二百九

運河水

三

上諭前據吳璥奏稱河漕不能並治請於黃河以北添設剝船接運赴通以便將清黃交匯處所隨時籌辦等由當經批交大學士九卿悉心妥議茲據保寧等會奏以該侍郎祇籌及後年輓運事宜其明年軍船能否抵通及如何設法之處未據確切聲敘且添造剝船二千五百隻每隻實能裝載若干石果否足資剝運並軍丁如何照料津貼經費如何籌畫請飭交該督等會同履勘悉心籌議覆奏已依議行矣清口爲漕運咽喉關係至要近年來因清水不能暢達借黃濟運淤墊漸高阻滯堪虞亟應疏治深通俾轉漕永資利濟方爲一勞永逸之計前經疊次降旨諄切諭令悉心籌議迄今未據

覆奏茲吳璥所奏添造剝船接兌南漕一事據大學士九卿等所議恐剝船二千五百未必敷用以每船需費若干計算已不下二百餘萬且造成後交何處經管以數千號剝船任其散泊黃河北岸一帶必致漸歸朽朽自必須擇地安置年年修驗况既用剝船旗丁等接替押運例給不敷舵水又須增雇加以盤壩抗脚一切雜費繁多核計所需已屬不貲而治河之費仍不能減夫治河原兼治漕今吳璥所奏祇詳陳接替運漕事宜以騰出河道可以隨時籌辦其實若何治河之法並未奏及與其多糜浮費何如將應用帑項歸入治河及早籌勘將清口一帶疏刷深通為經久良策乎况即照依吳

續行水金鑑卷二百九

運河水

三

璥條奏辦理亦祇可備後年輓運之方明年重運瞬即經臨設彼時清口一帶萬一稍有淤阻又將如何辦理屢據該督等奏到籌辦情形僅稱蓄高清水藉以敵黃刷沙漕運自可不致阻滯為詞究竟清水是否力能暢注黃水是否不致倒灌亦未能確有指實豈仍思如今歲之借黃濟運止顧目前耶朕辦理庶務惟以至誠仰

吳蒼眷佑朕賴

上天之福諸臣等賴朕之福固不待言然人事不可不盡豈可意存諛卸語托吉祥該督等現在籌辦諸務果能保明春重運必無稽阻乎現距歲除不遠而禦黃壩

尚未堵閉昨據奏運河兩腮一面挑挖試思黃水來路未絕恐挑淤亦屬空談且此數十日內所辦之工豈能將河漕兩事籌備萬妥該督等究竟有何把握豈必待漕運果有阻滯始臨事周章乎此旨到日著戴均元會同鐵保徐端吉綸悉心體察就目下辦理情形而論是否重運可保必無阻滯儻竟不能操萬全之策則當預計重運到時設清江浦南北稍有梗阻如何辦法即明歲權宜辦理後又將如何計及久遠一一縷陳不得再用仰賴鴻福等虛詞塞責總之預籌之法寧可備而不用不可不思患預防也若伊等接奉此旨仍不據實詳細具奏惟以空言敷衍則伊等竟思僥倖倖於萬一必先

續行水金鑑卷二見

運河水

三

治伊等以應得之罪矣

南河成案續編

是月二十四日戴均元鐵保徐端奏臣奉

上諭已恭載月欽此跪讀之下臣鐵保徐端感激悚惶

莫可言喻查東清集黃兩壩乃全河關鍵向來東清

壩留口門十餘丈通流外注湖水不免消耗每到冬

底僅存湖水四五尺不等本年臣徐端奏將東清

壩移在運口頭壩之上臨湖築做已較得力迨八月

中復同臣鐵保將口門全堵不使湖水涓滴外注數

月以來清水漸長高堰誌椿存水一丈五寸現高黃

水二尺餘冬令黃水易消若至年底再消一二尺則

清水可高四尺上下其力自足滌黃至禦黃壩前因

凌水衝動壩根致稽堵合現集料土晝夜追壓於十一月二十四日堵開斷流全河東注歸海不復內漾是本年河口事機順利東清禦黃兩壩得力似有把握至河口一帶臣徐端業已派員另濬寬深引河其臨湖各道引河亦俱挑竣足備清水外注清江迤下運河淤沙現委廳營五十餘員分段備挑並派道員閻學淳談祖綬單湛等分路督辦即以挑土培築兩隄限年內全完臣等計挑河培隄工竣在新正初十前後其時黃弱清旺即乘勢放東清壩使湖水暢出則河底刷深新漕浮送裕如較往年必能得力至新春甘省上游冰雪消融凌水下注隄工誠未免著

續行水金鑑卷二百九

五

重已嚴飭道廳將黃河埽壩各工預為加饒防護時以清江漫水為戒現在通查黃河底水較上年此時為小將來春水長發足資容納新春散放清水時其力尚足敵黃至清江浦四面皆隄形如釜底雖雇水車六百餘輛竭力車耳未能即涸此時禦壩既堵運河掣空即將積水洩入運河俾民人早為復業臣鐵保現查被災戶口奏請給賑並查間有失足落水淹斃人口彼時倉猝水發未據呈報已劄飭清河縣捐貲厚加撫卹其水浸坍倒房屋亦照例辦理不敢稍為諱飾

是月三十日奉

為詳飾案續編

上諭據戴均元等奏堵合禦黃壩會籌疏通清口覽奏俱悉禦黃壩前因凌水衝動未能即堵茲經戴均元等督率集料搶築堵開斷流全河東注歸海不復內漾事機極為順利並據奏東清壩自八月內堵合後清水漸長高堰誌椿已存水一丈五寸高於黃水二尺有餘若至年底黃水再消一二尺則清水可高出四尺上下其力自足抵黃看來戴均元等籌辦已有把握此時派員挑挖引河培築隄工儘力收蓄清水自可逐漸擡高但恐明年清黃並漲水勢甚旺五壩不能抵禦或須宣洩則湖水不能專注清口不惟制沙敵黃難資得力且恐下游復被淹浸於地方河漕均有關係此時鐵保前赴

續行水金鑑卷二百九

運河水

徐州所有籌疏河口蓄清濟運事宜即交戴均元徐端悉心商酌趁此新漕未到以前設法妥為辦理

案續編

十二月十一日徐端奏揚河廳自寶應下至高郵運河西岸係白馬汜光高郵縣社諸湖僅賴一綫單隄為界臨湖一面向有輒石工捍禦本年伏秋汛內因義壩過水盛大各湖漲滿高寶西岸湖河相連低矮隄工浸水歷經風浪掀擊致多坍塌刷成缺口迨義壩堵合水勢漸消即飭道廳查勘先將各缺口次第用料堵築斷流據報量驗所掣輒石工長二千三百餘丈茲據淮揚道閻學淳勘估詳報揚河廳境寶應汜水永安高郵四汛共掣輒石工二千三百八十